

## Custen von Acalon vnd Bayone / mit dem Ostlichen theil von Biscayen bisz gehn Castro.

**N**gesser achtzehen meilen bey Süd der Küstern von Bordeaux / ligt ein hauen geheissen Acalon, da ligē zwey grosse Clipfen fürs gatt / aber bey Nord ist das weitest einzukommen: man mus den binnen hoeck der hauen etwas schewen / dan er vnrein ist / vnd im einkommen sunff vadem tieff. Nordwarts auff ist es tieffest / vnd gutter grundt / Südwarts auff ist es vnrein / welches in gutter acht zu haben ist: Man mag auch von bey süd / zwischen dem vasten Lande vnd der Clipfen mitten wassers durch / in der gemelten hauen von Acalon kommen.

Item vierzehen meilen bey süd Acalon ligt die hauen von Bayonne, die weit vnd breit ist einzukommen / man helt den thurn am Nordhoeck des Landes / vnd segelt also zwischen der vülen oder Clipfen vnd dem hoeck des landes ein / vnd settzet es omb den hoeck fürs Dorff / auff vier oder sunff vadem. Von dannen zu S. Iuan de Luz, segelt man bey Süd / vnd binnen der Clipfen durch 3. meilē / vnd strecket inswarts 3. o. vnd 3. o. zum 3. da ein Berg ist mit einer salen / den man 3. o. von sich setzet / die Plecke ligt in einer grossen inwijck / da Fuenterabia auch gelegen ist auff der Küstern / ein frisches wasser. Von S. Iuan de Luz, gehn Passaie sunff meilen w. n. w. Von dannē zwey meilen westwarts segelt man in der hauen von Otera streckend 3. 3. o. ein / da in kommend ist es tieff drey vadem / vnd binnen ist ein weite Bort / aber es ist ein Tydehauen. Vier meilē bey west Otera ligt Bilbao, insreckend 3. zum o. man mag (wan man binnē ist) Ostwarts auffweichē / da es vier oder sechs vade tieff ist. An die südseite der hauen ligt eine Insel da ein feur thurn auff stehet / den man 3. zum o. von sich setzet im einkommē / vnd es ist da 3. vade tieff.

West 3. w. vnd 3. w. zum w. von Bilbao sunff meilen ligt Machichaco ein gutte hauen von bey West / insreckend 3. o. zum o. vnd ist tieff acht oder neun vadem / es ligt ein Clipse mitten ins gatt / die man an Backbordt lest ligē / man mag bey Ost der Clipfen auch einlauffen / aber da ist nür drey vadem wassers: Sie ist inwendich weit vnd breit / man mag es sehen da man wol auff acht oder neun vadem. Drey meilen Westwarts von Machichaco ligt Castro, vnd strecket gang westlich ein: vngeser 3. w. alda ligt ein Clipse in der mitten / die man auff sechs oder sibē vadem an beiden seiten omb segeln mag / die enge strecket da Süden durch / man mag Ostwarts auffweichen vnd sehens auff zehen oder zwelff vadem.







## Biscaten.



Zuerst theil von Biscaten ist das negste ober dem Pyrenenschem Geburg, das Franckreich von Hispania abscheidet: ist ein hoch Bergig land da viel Baum wachsen/ deshalben do gutte gelegenheit ist Schiff zu bauen / vnd werde die besten Schiff do gemacht von gang Spaniē. Ist mit so mit volck bewohnt wie Franckreich / gibt viel Harz auß/ Castaniē/ Dranni Apffel/ etc. Bilbao ist in diesem theil die vornehmste Seestatt/ bey den Lateinern Flauibriga vnd zu vor Flauiogallica geheisse/ ligt an ein wolgelegen ort/ hatt an allem was zu erhaltung des lebens dienet keinen mangel / ligt zwey meilen vom Meer auff einer Eben/ doch nit weit vom Geburg / hatt temperierte lufft/ nit sulche hitze wie baß auff die ander Hispanische theil. Am Ufer des Meers ligt ein kleinstetlein Portugalette genannt / da fleußt ein grosse Riuere herdurcher / durch welcherer vilerley Kauffmanschafft zu der Statt gebracht wirt. In diesem ort haben sie obermassen gutt Brot/ vnd wirt in kein Ofen gebacken/ sie nennens Pan del Fuego, wirt von vielen da für gehalten / das man in kein Land Brot finde das an schmack besser sey. Wein ist do oberflüssig vnd guttes kauffs / darzu Ochsen vnd Schaff fleisch/ Fisch/ Geuogel/ Baum gewachß/ vnd allerley leibes notturft. Diese Statt ist die vornehmste dieses ortes/ da die Fransosen/ Niederländer vnd Engelse ihre Schiffart vnd hantirung haben / vnd ist do selbst der Stapel vnd Niederlag/ da auß den vmligenden theilen vilerley wahr/ hingbracht vnd verhandelt wirt. Insonderheit wirt gutte Woll von dan gebracht / vnd viel / auff eine zeit wol funfftausent Sack zugeleich. Gar viel Kelder vnd Packhauser findt man do vol allerley Kauffmans wahr / in summa diese Statt ist durch der wolgelegenen Riuieren vnd gutten Seehauen zur hantirung gar wol gelegen. Auß dieser statt Bilbao was geboren der den Püngen von Orangiē/ zu Antioff verretterischer weiß durch das Angesicht schos/ furhabens ihn zu ermorden/ Es starb aber der Herr an den schuß nit / sonder der Verretter ward gerichtet vnd vmbbracht.